

Straoteluiper

Refrein:

Iech bin 'ne straoteluiper met de Karneval.
De zuus miech nörreges en toch weer euveral.
Want op de straot dao leef iech miech lekker oet,
Sjaar miech e trömmelke en bloos 'ns op m'n toet.
Iech dans en spring daan door de Groete Staat,
't maak niks oet al weurt 't vreug of weurt 't laat.
Want iech gaon door tot iech gaar neet mie kin stoon,
En op mien kneeje nao m'n hoes terök moot goon.

Koeplèt:

Iech hōb 't in m'n kneuk en miene pokkel,
Get aon mien oere, vaan dat truite en getokkel.
Iech hōb daan twee han, dao kinste dreij daog sop vaan trekke,
En op m'n veuj hōb iech niks aandere es blouw plekke.
De kreigs miech mèt gein tien peerd mie nao hoes,
Iech veul miech mèt die daog op de straot 't bèste toes.

